

BULETIN **unisel** UNIVERSITI SELANGOR

Peneraju Transformasi

Penyelidikan Fokus Utama
UNISEL Pada Tahun 2018

UNISEL
Rangkul
Anugerah
Sempena
National STEM
Award 2018

SUKIPT 2018 –
UNISEL RAIH
5 PINGAT

**Pelajar Teruja
Terima Bantuan**



**PFAM Eratkan Kerjasama
Dengan UNISEL Menerusi MOU**

DARI MEJA editor



Bismillahirahmanirahim,

Sebagai permulaan bicara ingin saya memanjatkan kesyukuran ke hadrat Ilahi kerana dengan izin-Nya Buletin UNISEL keluaran April 2018 telah berjaya dihasilkan. Pada kesempatan ini, saya ingin mengucapkan jutaan terima kasih kepada semua yang terlibat terutama sekali kepada pihak fakulti dan jabatan yang sentiasa memberi sokongan kepada Pejabat Komunikasi Korporat terutama sekali dari segi penganjuran program-program universiti.

Sidang pembaca sekalian,

Universiti Selangor (UNISEL) adalah satu nama yang tidak asing lagi malah semakin gah menongkah arus pendidikan di Malaysia. Program penyelidikan juga semakin rancak dijalankan oleh pensyarah dan pelajar dalam usaha menjadikan UNISEL sebuah universiti yang mampu memberikan lebih banyak buah tangan kepada masyarakat Selangor khususnya.

Dalam kesempatan ini juga saya ingin mengucapkan jutaan tahniah kepada kakitangan akademik dan pentadbiran yang telah berjaya meraih pelbagai anugerah terutama sekali menerusi projek-projek penyelidikan serta sumbangan khidmat bakti yang tidak berbelah bahagi untuk kemajuan universiti. Saya juga ingin mengucapkan syabas kepada atlet-atlet UNISEL yang berjaya meraih satu emas, satu perak dan tiga gangsa pada kejohanan SUKPIN 2018. Moga kejayaan-kejayaan ini dapat diteruskan pada masa akan datang dengan lebih banyak pingat yang mampu dibawa pulang.

Syukur Alhamdulillah, UNISEL juga semakin mendapat kepercayaan dari pihak luar dengan pelbagai kerjasama telah terjalin antaranya memorandum persefahaman bersama Persatuan Pemain-Pemain Bola Sepak Malaysia (PFAM) dalam usaha memartabatkan pendidikan dalam kalangan pemain bola sepak profesional Malaysia. UNISEL turut menjalin kerjasama dengan IDP Education Ltd Australia bagi mengingkatkan kemudahan kepada pelajar-pelajar antarabangsa.

Bagi aspek penjenamaan pula, UNISEL telah berjaya menganjurkan Hari Terbuka UNISEL 2018. Ini merupakan edisi pertama bagi tahun ini dari kesinambungan kejayaan penganjuran tiga edisi pada tahun 2017. Terima kasih yang tidak terhingga kepada Y.B Amirudin Shari, Pengurus Jawatankuasa Tetap Pembangunan Generasi Muda, Sukan, Kebudayaan & Pembangunan Usahawan yang telah menjadi penaja utama bagi program Hari Terbuka UNISEL 2018 yang telah berlangsung pada 16 – 18 Mac 2018. Bertemakan Sukan dan Kebudayaan, UNISEL Bestari Jaya menerima lebih 30,000 pengunjung dari pelbagai peringkat umur dan inshaAllah pihak UNISEL akan meneruskan lagi program-program bagi menyantuni masayarakat sekitar.

Akhir kata dari saya, semoga UNISEL akan terus bergerak kehadapan dalam menyemarakkan lagi transformasi pendidikan bukan sahaja di negeri Selangor malah seluruh Malaysia.

Sekian,

HASRIL ABU HASSAN
Pengarah Komunikasi Korporat

sidang editorial



Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat
Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR.

Tel : +603-55223420
Email : corporate@unisel.edu.my
Website : www.unisel.edu.my



Universiti Selangor

PENAUNG:

Prof Dato' Dr. Mohammad Redzuan Othman
(Presiden & Naib Canselor)

KETUA EDITOR:

Hasril Abu Hassan
(Pengarah Komunikasi Korporat)

EDITOR:

Nik Nabilah Nik Aziman
(Pegawai Komunikasi Korporat)

WARTAWAN:

Nor Illiana Fasihah Zahari
(Pegawai Berita)

FOTOGRAFI:

Abdullah Mahsen (Jurugambar)
Media Selangor

PEMBANTU EDITORIAL:

- Hasni Mohd Noor
- Rafikah Saini

KANDUNGAN

- 2 Dari meja editor
- 3 Isi Kandungan
- 4 Penyelidikan Fokus Utama UNISEL Pada Tahun 2018
- 5 Majlis Syarahan Profesor Kali Ke-3
- 6 Mou UNISEL – IDP Education LTD Australia Tingkat Kemudahan Pelajar Antarabangsa
- 7 PFAM Erat Kerjasama Menerusi mou
- 8 UNISEL Rangkul Anugerah Khas National STEM 2018
- 9 Seminar Nasional Maqasid Al-Shari'ah 2018 Angkat Tema Pilihan Raya
- 10 Pelajar Teruja Terima Bantuan Tabung Amanah
- 11 UNISEL Serah Bantuan Kepada Pusat Tahfiz
- 12 Inovasi Pensyarah UNISEL Sumbang Emas
- 12 Tiga Kakitangan UNISEL Terima Anugerah Khas
- 13 SUKIPT 2018 – UNISEL Raih 1 Emas , 1 Perak, 3 Gangsa
- 14 Hari Terbuka UNISEL 2018
- 15 UNISEL Ke Arah Pensijilan MS ISO 9001:2015



5



13



6



15



14



11



8

Penyelidikan Fokus Utama UNISEL Pada Tahun 2018



SHAH ALAM - Universiti Selangor (UNISEL) pada tahun 2018 akan terus memimpin kecemerlangan ilmu dengan memperbanyakkan lagi penyelidikan serta kajian yang boleh memberikan manfaat kepada masyarakat. Dengan peruntukan geran penyelidikan sebanyak RM2 juta yang telah diumumkan oleh Y.A.B Dato Menteri Besar Selangor, Dato' Seri Mohamed Azmin Ali telah memberi ruang kepada pensyarah dan penyelidik di UNISEL untuk membuat penyelidikan terutama sekali bidang-bidang yang berkaitan dengan strategik utama Negeri Selangor.

Presiden dan Naib Canselor UNISEL, Prof. Dato' Dr. Mohammad Redzuan Othman yang ditemui semasa Seminar Halatuju Penyelidikan Bidang-Bidang Strategik Utama Negeri Selangor berkata,

UNISEL sudah bersedia untuk memainkan peranan sebagai sebuah institusi pendidikan yang mampu menghasilkan kajian-kajian yang berimpak tinggi. Beliau yang juga merupakan Timbalan Pengurus Institut Darul Ehsan (IDE) mencadangkan agar UNISEL dan IDE bekerjasama untuk menghasilkan pelbagai kajian bagi meningkatkan pertumbuhan ekonomi selain menjadikan Selangor sebagai sebuah 'smart state'.

"Selaras dengan hasrat Dato' Menteri Besar Selangor untuk menjadikan negeri ini sebagai sebuah 'smart state' yang berketrampilan, UNISEL akan memberi penekanan kepada penyelidikan dalam bidang-bidang strategik utama seperti pengurusan dan teknologi. Kita mempunyai ramai pakar dan pensyarah berpangkat professor dan professor madya

yang mampu memberikan penyelesaian dalam pelbagai bidang", ujar Prof. Dato Dr. Mohammad Redzuan Othman.

Seminar Halatuju Penyelidikan Bidang-Bidang Strategik Utama Negeri Selangor dihadiri Dr. Fahmi Ngah, Tim. Pengarah Program Smart Selangor Delivery Unit, Tuan Jamie Haniff Ramlee, Pengarah Cluster Development Division Invest Selangor Berhad serta Tuan Mohd Yazid Sairi, Tim. Pengarah Seksyen Makro dan Penswastaan UPEN selaku panel. Hadir sama sebagai panel jemputan bagi sesi 'Knowledge Sharing' adalah Dato' Mansor Othman, Pengurus Eksekutif Yayasan Hijrah Selangor, YM Raja Dato' Aznil Raja Hisham, Ketua Pegawai Operasi Halal International Selangor dan Tuan Mazlan Mahadi dari Smart Selangor Delivery Unit.

Majlis Syarahan Profesor Kali Ke-3 Oleh Prof. Dr. Mokhtar Abdullah

SHAH ALAM—Universiti Selangor (UNISEL) baru-baru ini telah menganjurkan Majlis Syarahan Profesor yang telah disampaikan oleh Prof. Dr. Mokhtar Abdullah, Naib Presiden UNISEL kampus Bangladesh bertempat di Dewan Pro-Canselor UNISEL kampus Shah Alam.

Syarahan yang bertajuk “Hamessing The RIGHT-to-MIGHT (R2M) Framework and Organisational Entropy for Performance Excellence in Organisations” itu membincangkan aspek dalam

mencapai kecemerlangan organisasi dan tiga perkara yang harus dititikberatkan adalah kepantasan, kelakuan, dan nilai.

Hadir memeriahkan majlis syarahan adalah YBhg Prof. Dato' Dr. Mohammad Redzuan Othman, Presiden dan Naib Canselor, pengurusan tertinggi universiti, pensyarah serta pelajar-pelajar daripada Fakulti Perniagaan dan Perakaunan dan Fakulti Komunikasi, Seni Visual dan Pengkomputeran.





Prof. Dato Dr Mohammad Rezduan Othman dalam ucapannya turut menegaskan kepentingan ujian IELTS bagi menilai sejauh mana tahap penguasaan pelajar dalam Bahasa Inggeris. Sebagai sebuah institusi pengajian tinggi terulung di negeri Selangor, adalah penting buat UNISEL melahirkan graduan yang berkualiti. Oleh yang demikian, dengan adanya memorandum perjanjian ini maka ia dapat memberikan kemudahan kepada pelajar antarabangsa dari segi pengurusan untuk menduduki ujian IELTS.

Dalam pada itu, Prof. Dato' Dr. Mohammad Redzuan Othman juga sempat

MOU UNISEL - IDP Education LTD Australia Tingkatkan Kemudahan Pelajar Antarabangsa



SHAH ALAM - Satu Majlis Menandatangani Memorandum Perjanjian di antara Universiti Selangor (UNISEL) dan IDP Education LTD Australia telah berlangsung dengan jayanya pada 16 Januari lepas di UNISEL Kampus Shah Alam. Majlis tersebut menyaksikan Prof. Dato' Dr. Mohammad Redzuan Othman, Presiden dan Naib Canselor menandatangani perjanjian tersebut bagi pihak UNISEL manakala Mr. Ajay Rao pula bagi pihak IDP Education LTD Australia.

IDP Education LTD Australia merupakan sebuah organisasi yang menawarkan ujian International English Language Testing (IELTS) kepada lebih 50 buah negara termasuk Malaysia. Buat masa ini, UNISEL yang mempunyai pelajar antarabangsa daripada lebih 22 buah negara antaranya Indonesia, Oman, Bangladesh, Zambia dan Mesir mensyaratkan pelajar-pelajar tersebut untuk menduduki ujian IELTS sekiranya mereka ingin melanjutkan pengajian di UNISEL.

mewat sekali gus merasmikan Pejabat Antarabangsa baharu yang terletak di Tingkat 2, Bangunan Satelit Kampus Shah Alam. Pejabat Antarabangsa menawarkan pelbagai kemudahan untuk orang luar yang ingin mendapatkan maklumat serta khidmat nasihat pelajar antarabangsa yang sedang melanjutkan pengajian di UNISEL.





PFAM Eratkan Kerjasama Dengan UNISEL Menerusi MOU

SHAH ALAM—Universiti Selangor (UNISEL) baru-baru ini telah mengadakan satu majlis Menandatangani Memorandum Persefahaman (MoU) bersama Persatuan Pemain-Pemain Bola Sepak Profesional Malaysia (PFAM) bertempat di UNISEL Kampus Shah Alam.

Memorandum ini merupakan kesinambungan daripada kunjung hormat pihak PFAM ke UNISEL pada 14 Februari lepas bagi membentuk beberapa idea dan kerjasama untuk memberi nilai tambah kepada pemain bola sepak profesional Malaysia.

Antara intipati kerjasama yang telah dipersetujui adalah UNISEL akan menyediakan Kursus Kejurulatihan Lesen 'C' yang akan bertempat di Kampus Bestari Jaya. Selain itu, UNISEL juga akan membuka tawaran melanjutkan pengajian di bawah program UNISEL Athlete Academic Track menerusi program Diploma Pengurusan Industri Sukan (Pengurusan Bola Sepak) kepada ahli-ahli PFAM.

Prof. Dato' Dr. Mohammad Redzuan Othman, Presiden dan Naib Canselor berkata sudah menjadi hasrat UNISEL untuk melihat program ini berjaya



mewujudkan satu platform perbincangan, perkongsian pengalaman dan idea dalam mengukuhkan asas pelaksanaan pembangunan akademik dalam kalangan pemain bola sepak profesional Malaysia.

Memorandum tersebut ditandatangani oleh Prof. Dato' Dr. Mohammad Redzuan Othman mewakili UNISEL disaksikan oleh Tn. Hj. Shamsul Azhar, Pendaftar manakala bagi pihak PFAM pula ditandatangani oleh Izham Ismail selaku Ketua Pegawai Eksekutif PFAM disaksikan oleh Rezal Zambery yang merupakan Presiden PFAM.

Antara wakil PFAM yang hadir adalah bekas pemain bola sepak kebangsaan, Rudie Ramli dan Ahmad Fauzi Saari. Turut hadir adalah kapten pasukan Selangor, Razman Roslan dan juga pemain pasukan Selangor Mohd Fairuz Abdul Aziz.

Dalam pada itu, pihak PFAM juga mengambil bahagian pada Hari Terbuka UNISEL pada 16-18 Mac 2018 dimana mereka mengendalikan Slot Bicara PFAM dan Perlawanan Amal Pasukan Pilihan PFAM menentang Pasukan Pilihan UNISEL pada 18 Mac 2018.





UNISEL Rangkul Anugerah Sempena National STEM Award 2018

KUALA LUMPUR – Universiti Selangor (UNISEL) telah memenangi anugerah National STEM Award 2018 yang diadakan di Pusat Dagangan Dunia Putra (PWTC). Acara tahunan yang berlangsung kali ke-17 itu menyaksikan pasukan yang diketuai oleh Dr. Hazeeq Hazwan Azman berjaya merangkul “Special Award” menerusi projek “UNISEL Fun with STEM”.

Projek ini merupakan kerjasama di antara Institut Bio-IT, Jabatan Sains dan Bioteknologi di bawah Fakulti Kejuruteraan dan Sains Hayat serta Pusat Asasi dan Pengajian Umum. Program yang

dianjurkan oleh Malaysia Technology Expo (MTE) itu merupakan acara yang memperlihatkan kelahiran idea-idea baharu melalui Inovasi Sains dan Teknologi oleh Universiti, Institut Penyelidikan, Sekolah Teknik dan Vokasional, Sekolah Menengah serta organisasi Swasta.

Kemenangan ini merupakan satu permulaan yang baik buat pelajar dan pensyarah untuk mencipta lebih banyak kejayaan pada masa hadapan. Tahniah dan syabas diucapkan kepada Dr Hazeeq Hazwan dan pasukan atas kejayaan merangkul anugerah tersebut.





Seminar Nasional Maqasid Al-Shari'ah 2018 Angkat Tema Pilihan Raya

SHAH ALAM – Presiden dan Naib Canselor Universiti Selangor (UNISEL) baru-baru ini telah hadir merasmikan Seminar Nasional Maqasid Al-Shari'ah 2018 yang berlangsung di Dewan Sivik Majlis Bandar Raya Petaling Jaya.

Dalam ucapan perasmian, beliau Prof. Dato' Dr. Mohammad Redzuan Othman menyatakan tema yang dipilih iaitu pilihan raya kali ini adalah cukup penting dalam suasana rakyat seluruh negara bakal melaksanakan tugas mereka bagi memilih kepimpinan negara.

“Pilihan raya bukanlah semata-mata suatu proses memilih pemimpin tapi dalam konteks yang lebih luas adalah tanggungjawab yang diamanahkan dalam perlumbaan negara serta memahami proses pemilihan, cara memilih serta bagaimana untuk menghadapi suasana sebelum dan selepas pilihan raya,” ucap beliau yang juga merupakan Timbalan Pengurus Institut Darul Ehsan (IDE).

Seminar kolaborasi di antara Kerajaan Negeri Selangor, UNISEL, IDE, MURSHID dan PENDIDIK ini diadakan bagi tujuan

membina kefahaman tentang teori dan aplikasi Maqasid al-Shari'ah dalam fiqh pilihan raya dan aspek berkaitan dengan hal ehwal kenegaraan dan politik.

Antara tokoh ilmuwan yang hadir pada sesi pertama pembentangan adalah YB Senator Dr. Muhammad Nur Manut, Ahli Dewan Negara dan Dr. Zaharudin Abdul Rahman, Presiden MURSHID manakala YB Nurul Izzah Anwar, Naib Presiden KEADILAN turut hadir pada sesi petang bagi membentangkan Maqasid al-Shari'ah : Isu-isu Politik Terkini di Malaysia.





Pelajar Teruja Terima Bantuan

BESTARI JAYA – Universiti Selangor (UNISEL) menerusi Tabung Amanah Pendidikan UNISEL hari ini telah menganjurkan Majlis Penyampaian Sumbangan Tabung Amanah Pendidikan bertempat di Dewan Senat UNISEL kampus Bestari Jaya. Seramai 175 orang pelajar UNISEL menerima sumbangan wang tunai yang telah disampaikan oleh Prof. Dato' Dr. Mohammad Redzuan Othman, Presiden dan Naib Canselor UNISEL.

Tabung Amanah Pendidikan UNISEL (TAU) merupakan sebuah unit yang memainkan peranan dalam menyediakan sumbangan dan bantuan khususnya buat pelajar dan kakitangan UNISEL. Menurut Pn. Hj. Rokmaa Hj. Mat, Pengarah TAU, bantuan sumbangan yang diberikan pada hari ini merupakan satu permulaan yang diharap dapat diteruskan lagi selepas ini.

Beliau juga telah merangka beberapa perancangan antaranya untuk mencari

ibu dan bapa angkat kepada pelajar dalam kalangan pengurusan tertinggi UNISEL untuk sama-sama menaja wang saku bagi meringankan beban pelajar.

Salah seorang penerima, Mohammad Tirmizi Abd Manaf berkata beliau amat berterima kasih kepada pihak pengurusan universiti kerana telah memberikan satu insentif untuk membantu para pelajar tidak kira agama dan juga bangsa.

“Saya melahirkan rasa kegembiraan ini kerana kami para pelajar tidak menduga akan menerima bantuan seperti ini dan ia merupakan satu usaha yang baik oleh pihak universiti. Mewakili semua penerima, kami ingin mengucapkan jutaan terima kasih kepada YBhg Prof. Dato' Dr. Mohammad Redzuan atas insentif ini”, ujar beliau yang juga merupakan mantan YDP Majlis Perwakilan Pelajar UNISEL.





UNISEL Serah Sumbangan Kepada Pusat Tahfiz

KAJANG - Set kelengkapan asrama serta peralatan bilik darjah antara sumbangan yang telah diberikan oleh Universiti Selangor (UNISEL) kepada Pusat Jagaan Asnaf Quranik Al-Ummah, Kajang, Selangor dalam rangka program tanggungjawab sosial universiti.

Majlis Penyerahan Sumbangan ini telah dirasmikan oleh Prof Dato' Dr. Mohammad Redzuan Othman, Presiden & Naib Canselor disaksikan oleh Dr. Haji Rahman Hj Kurais, Pengasas Pusat Asnaf Quranik Al-Ummah. Hadir sama adalah Prof. Dr. Shaharuddin Badaruddin, Timb. Naib Canselor Pembangunan Pelajar dan Jaringan Komuniti UNISEL.

Dr. Haji Rahman Hj Kurais dalam

ucapannya amat berterima kasih kepada pihak UNISEL atas keperihatinan yang telah ditunjukkan dan berharap agar segala bentuk bantuan yang diterima dapat membantu pusat ini melahirkan lebih ramai pelajar tahfiz yang cemerlang.

Prof. Dato' Dr. Mohammad Redzuan dalam ucapannya berharap agar para pelajar dapat menggunakan kemudahan yang diberikan sebaik mungkin. Dalam pada itu, beliau turut mengalukan para pelajar tahfiz untuk menyambung pengajian di UNISEL menerusi program Smart Tahfiz yang telah diadakan bagi memberi ruang kepada pelajar-pelajar tahfiz menduduki Sijil Pelajaran Malaysia.

“Sebagai sebuah institusi pendidikan,

kita amat menekankan aspek kualiti pendidikan. Dengan adanya program Smart Tahfiz ini, pelajar akan diberi ruang untuk cemerlang dalam kedua-dua bidang iaitu akademik dan hafazan al-quran” ujar beliau lagi.

Pusat Asnaf Quranik Al-Ummah merupakan pusat jagaan anak yatim miskin (asnaf) yang berkonsepkan pengajian tahfiz dan mula beroperasi secara rasmi pada Januari 2018. Penubuhan pusat ini bertujuan untuk membantu dan memberi sumbangan kepada anak-anak asnaf yang memerlukan bimbingan dari segi pendidikan.



Inovasi Pensyarah UNISEL Sumbang Pingat Emas

BANGI – Cetusan hebat inovasi Permainan Smart Al-Fatihah ciptaan Muhammad Nazir Bin Mohammed Khalid, Pensyarah Fakulti Kejuruteraan dan Sains Hayat, Universiti Selangor (UNISEL) telah berjaya menobatkan beliau sebagai pemenang pingat emas di Karnival Inovasi Pengajaran & Pembelajaran UKM (K-Novasi P&P) menerusi Kategori e-Pembelajaran/Bahan Bantu Mengajar.

K-Novasi P&P ini mula diperkenalkan pada tahun 2014 dengan objektifnya untuk mengenal pasti produk dan inovasi P&P di peringkat kebangsaan selain meningkatkan kemahiran warga akademik dari segi teknik dan pendekatan terkini bagi proses pengajaran dan pembelajaran.

Apa yang lebih menarik, karnival yang sudah memasuki siri ketiga penganjuran itu buat julung kalinya menawarkan



penyertaan kepada peserta dari institusi luar. Dengan kejayaan yang diraih oleh Muhammad Nazir itu telah cukup untuk membuktikan bahawa UNISEL mempunyai tenaga pengajar antara yang terbaik dan setanding dengan pensyarah daripada Institusi Pengajian Tinggi Awam.

Tahniah dan syabas diucapkan kepada Muhammad Nazir Bin Mohammed Khalid. Semoga kejayaan ini dapat dijadikan dorongan buat tenaga akademik lain untuk terus menggapai kecemerlangan dan menjadikan UNISEL sebagai pusat pendidikan peneraju transformasi.



Tiga Kakitangan UNISEL Terima Anugerah Khas Presiden dan Naib Canselor

SHAH ALAM – Tindakan yang melambangkan komitmen serta kesungguhan untuk memberi perkhidmatan terbaik yang telah ditunjukkan oleh tiga orang kakitangan Universiti Selangor (UNISEL) melayakkan mereka untuk menerima Anugerah Khas Presiden dan Naib Canselor.

Ketiga-tiga kakitangan tersebut adalah En Abu Naaim Munir dari Fakulti Perniagaan dan Perakaunan, D.Nor Mohd Azahari Mohd Amin dari Unit Pengurusan Infrastruktur dan Mohd Nor Sham Baharudin dari Jabatan Pembangunan dan Penyelenggaraan. Anugerah telah disampaikan sendiri oleh Prof. Dato' Dr. Mohammad Redzuan Othman, Presiden dan Naib Canselor sempena majlis

Perhimpunan Bulanan April 2018.

Menurut Prof. Dato' Dr. Mohammad Redzuan Othman, anugerah tersebut adalah penghargaan khas kepada kakitangan yang telah menunjukkan komitmen luar biasa mereka bukan sahaja kepada tugas hakiki namun terhadap pembangunan dan kecemerlangan universiti.

Dalam ucapannya lagi, beliau turut mengucapkan tahniah kepada kontingen SUKIPT, pasukan STEM serta pensyarah-pensyarah yang telah berjaya mengharumkan nama UNISEL di peringkat kebangsaan. Beliau juga berharap pelbagai kejayaan akan dicapai lagi sepanjang tahun ini.

Beliau juga menyeru agar kesemua kakitangan mengambil sikap proaktif dalam kesemua acara yang berlangsung di universiti termasuklah Program Gotong-royong pada 13 Mei 2018, Majlis Iftar Jamaie pada 18 Mei 2018 serta Hari Keluarga UNISEL pada 21-22 Julai 2018.

Dalam pada itu, beliau turut mengucapkan takziah kepada kakitangan yang telah kehilangan ahli keluarga tersayang dan turut menyampaikan sumbangan kepada bala Allahyarham En Sanilubis Ashab, pengawal keselamatan UNISEL yang telah kembali ke rahmatullah pada 21 Mac 2018 yang lepas.



SUKIPT 2018 – UNISEL RAIH 5 PINGAT

BANGI – Universiti Selangor (UNISEL) berjaya meraih lima pingat pada kejohanan Sukan Institusi Pendidikan Tinggi (SUKIPT) yang telah berlangsung pada 2 sehingga 10 Februari 2018 di Universiti Kebangsaan Malaysia, Bangi.

Pingat pertama telah diraih oleh Wan Nur Nadia Amanina, penuntut semester

empat jurusan Diploma Pengurusan Industri Sukan. Beliau meraih pingat gangsa menerusi acara Taekwondo kategori Middle (67-73 kg) setelah menewaskan lawannya, peserta dari Sunway Universiti.

Pingat emas pertama pula telah berjaya dihasilkan oleh Mohamad Hashri Fikri



Pingat	Acara	Atlet
Emas	Ping Pong Individu (L)	Mohamad Hashri Fikri Mohamad Taufik
Perak	Olahraga 1500m (L)	Govinda a/l Mohan
Gangsa	Olahraga 5000m (L)	Govinda a/l Mohan
Gangsa	Taekwondo Middle 67-73 kg (W)	Wan Nur Nadia Amanina
Gangsa	Olahraga 400m (L)	Asyiff Zulkifli

Mohamad Taufik menerusi acara Ping Pong kategori individu lelaki. Penuntut jurusan Diploma Pengurusan Industri Sukan itu telah berjaya mengalahkan lawannya dari Universiti Teknologi Malaysia dengan mencatat kemenangan 3-0.

Pingat perak pula telah disumbangkan oleh Govinda a/l Mohan yang juga penuntut jurusan Diploma Pengurusan Industri Sukan menerusi acara olahraga 1500 meter kategori lelaki dengan catatan masa 4 minit 19 saat. Apa yang lebih menarik, Govinda juga berjaya meraih pingat gangsa menerusi acara 5000 meter kategori lelaki.

Pingat terakhir pula telah disumbangkan oleh Asyiff Zulkifli menerusi acara 400 meter lari berpagar. Beliau meraih pingat gangsa dengan catatan masa 57.23 saat. Ini menjadikan UNISEL mengumpul 5 pingat keseluruhan iaitu 1 emas, 1 perak dan 3 gangsa.

Kemenangan itu bukan sahaja memberikan kebanggaan buat kontinen UNISEL yang sedang bertanding di SUKIPT malah kepada seluruh warga universiti. Tahniah dan syabas diucapkan kepada semua atlet yang telah berjaya mengharumkan nama UNISEL.





HARI TERBUKA UNISEL 2018

Bertemakan “Sukan dan Kebudayaan”, Universiti Selangor (UNISEL) sekali lagi telah mengadakan Hari Terbuka UNISEL 2018 di UNISEL kampus Bestari Jaya. Pelbagai acara sukan telah dipertandingkan seperti bola sepak 9 sebelah, bola keranjang, drumline battle, bola jarring, tarik tali, ragbi dan bermacam-macam lagi. Program yang bermula pada 16 sehingga 18 Mac 2018 tersebut turut dihadiri oleh Y.B. Tuan Amirudin bin Shari, Pengerusi Jawatankuasa Tetap Pembangunan Generasi Muda, Sukan, Kebudayaan dan Pembangunan Usahawan dan mendapat sambutan hangat bukan sahaja oleh warga universiti malahan penduduk sekitar daerah Kuala Selangor.





UNISEL Ke Arah Pensijilan MS ISO 9001:2015

Penampilan dan keberkesanan dalam kerja antara elemen yang amat penting bagi membentuk satu pasukan yang mantap. Oleh yang demikian, pihak Universiti Selangor (UNISEL) menerusi Pejabat Tadbir Urus Korporat dan Jaminan Kualiti telah mengambil inisiatif untuk menjalankan satu program iaitu Kempen Penampilan Korporat dan Perkhidmatan Mesra Pelanggan.

Kempen ini dijalankan bagi meningkatkan lagi kualiti perkhidmatan disamping transformasi pejabat agar keliahatan lebih menarik dan mesra

pelanggan. Menurut Prof. Dato' Dr. Mohammad Redzuan Othman, Presiden dan Naib Canselor, beliau amat menekankan aspek kekemasan dalam menjalankan kerja agar kesemua kakitangan UNISEL mampu memberikan perkhidmatan yang terbaik kepada pelanggan.

“Syukur alhamdulillah kerana kita sudah melepassi fasa persediaan ke arah ISO dan mulai hari ini kita akan mula melaksanakan sepenuhnya semua prosedur dalam mencapai objektif kualiti yang telah ditetapkan. Saya ingin



mengucapkan jutaan terima kasih dan tahniah kepada semua kakitangan yang telah bertungkus-lumus dalam persediaan ini diketuai oleh Timbalan Pengarah, Unit Pengurusan Kualiti, Dr Irny Suzila Binti Ishak,” ujar beliau lagi.

Beliau berucap sempena Majlis Pelancaran Pelaksanaan MS ISO 9001:2015 serta Kempen Penampilan Korporat & Perkhidmatan Mesra Pelanggan yang telah berlangsung pada 16 Mac 2018 lepas bersempena Hari Terbuka UNISEL 2018. Dalam majlis tersebut juga, beliau telah menyampaikan sijil penyertaan kepada kakitangan yang telah terlibat sepanjang bengkel latihan ke arah pensijilan MS ISO 9001:2015.





PENGAMBILAN **KINI DIBUKA**

JUN 2018

DIPLOMA & IJAZAH SARJANA MUDA

BIASISWA DAN PINJAMAN BAGI YANG LAYAK*

IJAZAH SARJANA MUDA

Ijazah Sarjana Muda Teknologi Maklumat (Kep.)

KPT/IPS/02/14/01/05/2018/21

Ijazah Sarjana Muda Sains Teknologi Maklumat dengan Pengurusan Rantauan Bekalan (Kep.)

KPT/IPS/02/14/01/04/11/02/21

Ijazah Sarjana Muda Industri Multimedia (Kep.)

KPT/IPS/02/21/18/006/55/02

Ijazah Sarjana Muda Sains Komputer (Kejuruteraan Perisian)(Kep.)

KPT/IPS/02/14/01/05/41/10/28

Ijazah Sarjana Muda Perakaunan (Kep.)

KPT/IPS/02/14/01/02/06/20/19

Ijazah Sarjana Muda Pengurusan Sumber Manusia (Kep.)

KPT/IPS/02/14/01/02/06/10/22

Ijazah Sarjana Muda Pengurusan Perniagaan(Kep.)

KPT/IPS/02/14/01/05/55/02/28

Ijazah Sarjana Muda Kewangan (Kep.)

KPT/IPS/02/14/01/02/06/21/16

Ijazah Sarjana Muda Pentadbiran Perniagaan (Kep.)

KPT/IPS/02/14/01/02/06/09/22

Ijazah Sarjana Muda Pendidikan (Kep.) (Pengajaran Bahasa Inggeris Sebagai Bahasa Kedua)

KPT/IPS/02/14/01/001/001/08/21

Ijazah Sarjana Muda Bahasa Inggeris untuk Industri (Kep.)

KPT/IPS/02/22/02/001/001/07/08/18

Ijazah Sarjana Muda Pendidikan (Kep.) Pengajian Islam

KPT/IPS/02/14/01/004/005/07/19

Ijazah Sarjana Muda (Kep.) Psikologi Industri

KPT/IPS/02/21/18/001/001/02/23

Ijazah Sarjana Muda Sains Perpustakaan (Kep.)

KPT/IPS/02/12/06/000/001/001/01/01

Ijazah Sarjana Muda Pendidikan (Kep.) (Pendidikan Awal Kanak-Kanak)

KPT/IPS/02/14/01/002/001/01/21

PROGRAM YANG DITAWARKAN

Ijazah Sarjana Muda (Kep.) Seni Reka Grafik Digital

KPT/IPS/02/21/18/000/001/06/21

Ijazah Sarjana Muda Kesenian (Kep.) Teknologi Fotografi Kreatif

KPT/IPS/02/21/18/000/001/12/22

Ijazah Sarjana Muda (Kep.) Filem dan Animasi

KPT/IPS/02/21/18/000/001/12/22

Ijazah Sarjana Muda Komunikasi (Kep.) Komunikasi Korporat

KPT/IPS/02/21/18/000/001/18

Ijazah Sarjana Muda Komunikasi (Kep.) Kewartawanan

KPT/IPS/02/21/18/000/001/23

Ijazah Sarjana Muda (Kep.) Kejuruteraan Elektrik

KPT/IPS/02/52/16/002/001/09/22

Ijazah Sarjana Muda (Kep.) Kejuruteraan Mekanikal

KPT/IPS/02/32/16/000/001/09/22

Ijazah Sarjana Muda (Kep.) Kejuruteraan Awam

KPT/IPS/02/34/16/013/000/001/22

Ijazah Sarjana Muda Industri Bioteknologi (Kep.)

KPT/IPS/02/45/14/002/000/001/18

Ijazah Sarjana Muda Bioinformatik (Kep.)

KPT/IPS/02/46/16/048/000/001/19

Ijazah Sarjana Muda Sains (Kep.) Teknologi Industri

KPT/IPS/02/49/16/000/001/03/22

Ijazah Sarjana Muda Sains (Kep.) Matematik dengan Statistik

KPT/IPS/02/46/16/000/001/01/21

Ijazah Sarjana Muda Sains Makanan Perubatan (Kep.)

KPT/IPS/02/72/16/007/001/02/22

Ijazah Sarjana Muda Keselamatan & Kesihatan Pekerjaan (Kep.)

KPT/IPS/02/16/16/003/001/07/22

DIPLOMA

Diploma Sains Perpustakaan

KPT/IPS/02/22/14/000/001/10/21

Diploma Pendidikan (Pengajian Pra Sekolah)

KPT/IPS/02/14/01/000/001/07/21

Diploma Pengajaran Bahasa Inggeris Sebagai Bahasa Kedua

KPT/IPS/02/14/01/002/001/02/22

Diploma Pengajaran (Pengajian Islam)

KPT/IPS/02/14/01/009/001/09/22

Diploma Industri Bioteknologi

KPT/IPS/02/54/16/000/001/06/18

Diploma Teknologi Industri

KPT/IPS/02/00/000/000/001/06/18

Diploma Akuakultur

KPT/IPS/02/42/14/000/001/01/19

Diploma Teknologi Maklumat

KPT/IPS/02/48/14/040/000/001/19

Diploma Sains Komputer (Pengkomputeran Industri)

KPT/IPS/02/24/02/4/01/002/05/21

Diploma Industri Multimedia

KPT/IPS/02/21/14/000/001/09/21

Diploma Kejuruteraan Elektrik & Elektronik

KPT/IPS/02/52/14/000/001/01/21

Diploma Kejuruteraan Mekanikal

KPT/IPS/02/25/14/000/001/01/21

Diploma Kejuruteraan Awam

KPT/IPS/02/53/14/000/001/03/23

PROGRAM YANG DITAWARKAN

Diploma Komunikasi & Media

KPT/IPS/02/32/14/000/001/12/21

Diploma Seni Reka Grafik Digital

KPT/IPS/02/22/14/000/001/03/21

Diploma Teknologi Fotografi

KPT/IPS/02/22/14/000/001/05/22

Diploma Perakuanan

KPT/IPS/02/34/14/001/001/10/19

Diploma Pengurusan Perniagaan

KPT/IPS/02/25/14/001/001/06/19

Diploma Pengurusan Industri Sukan

KPT/IPS/02/28/14/001/001/05/22

Diploma Pengurusan Pentadbiran

KPT/IPS/02/30/14/001/001/10/21

Diploma Pengimejan Perubatan

KPT/IPS/02/25/14/001/001/07/21

Diploma Fisioterapi

KPT/IPS/02/22/14/000/001/01/21

Diploma Kesihsinan Persekutuan

KPT/IPS/02/28/14/001/001/07/21

Diploma Teknologi Makmal Perubatan

KPT/IPS/02/25/14/001/001/07/21

Diploma Kejuruteraan Awam

KPT/IPS/02/23/14/001/001/04/18

JOM MASUK UNISEL!

#YURANRENDAH #KUALITITINGGI #UNISELAWESOME

*Terkakuk Terma & Syarat

f UNIVERSITI SELANGOR Daftar segera di www.unisel.edu.my

UNISEL INSIDER

Pejabat Pemasaran & Kemasukan UNIVERSITI SELANGOR DU007(B) | DU00-01(B) Jalan Zirkon A 7/A Seksyen 7, 40000 Shah Alam, Selangor.

03 - 5522 3400 012 - 3401740 011-33907681 013 - 3742450